



UKA 2017/17

28/9-2017

Nivi Olsen

Siunnersuut: Siusinaartumik pensionisiat pillugit Inatsisartut inatsisaata nr. Xx, xx. xxx 2017 allanngortinneqarnissaa pillugu.

(Qaffasinnerpaamik siusinaartumik pensionisianik pisartagaqartunut tunngaviumik pensionisiaqartarnerup atulersinneqarnissaa, siusinaartumik pensionisialinnut kapitali 7-imi ikaarsaarnissami aalajangersakkami pineqartunut 20 pct.-imut malittarisassap atulersinneqaqqinnissaa, angalanermi aningaasartuutit naleqquttut pillugit § 29, imm. 1-ip erseqqissarneqarnissaa aamma § 33, imm. 3, aamma § 36 inatsisip kalaallisut oqaasertaani naqqiineq)
(Isumaginninnermut, Ilaqtariinnermut, Naligiissitaanermut Inatsisinillu Atuutsitsinermut Naalackersuisoq)

Demokraatininngaanniik qjarusuppugut Naalackersuisunut inatsimmik allannguutissamik saqqummiussinerannut.

Soorunalimi inuit siusinaartumik pensionisiallit naleqassusaat aamma aapparminnut isumalluuteqalernermik inuulertarnerat aqqiissuteqarfinginiarneqarnera assut iluarisimaarparput.

Inuit siusinaartumik pensionisiallit kissaatingaarput piviusumik tunngaveqarlutik sulisinnaassusaat eqqummaariffingineqarlutik nalilernerqartassasut. Taanna pingaarnepaavoq, ilaatigummi tusartarparput inuit suli sulerusulluinnartut ilaatiguut nakorsaniik nalilernerqartartut sulisinnaangittut taamannalu pinngitsoortinniarlugu pingaaruteqarpoq nalilersuineq "visitering" pitsaanerpaaq atorneqassasoq.

Neriuteqarfingalugu isumalluarfingaarput suliaq ataatsimiitsitaliami susassaqartumi ingerlalluarneqarumaartoq.

Kissaatingaarpulli aamma inuit siusinaartumik pensionisiallit allallu inuiaqatingiinni ikiungassatut inississimasut aningaassaqartilluarumallugit taava inuit peqqissut nammaqataasussat amerlanerusariaqaratta. Ullumikkut piusamagut tamaasa perusuttuaraluarpagut naak nalunngikkaluarlugu inuiaqatingiinni nammattussat tamarmik nammangittut, uffa nalunatigut nunatsinni nammattussat ikiliartortut. Taamaakkaluartorlugu Naalackersuisut nammannerpaat suli annerusumik aallerfinginissaat suli ujjartormassut assut Demokraatiniik ineriartornerup ajorseriarnissaa ernummingaarput.

Taamatut oqaaseqarluta Ataatsimiitsitaliami suliarineqarnissaa kissaatingaarput.